

## LINGUA VULGARIS.

(Cf. Cantus.)

Episcopum posse auctoritate hujus S. C. prohibere etiam Regularibus, ut cantent Laudes idiomate vulgari compositas. n. 765 die 7. Aug. 1628.

Non convenire sed omnino prohibendum, quod Regulares inter Missarum solennia canent laudes idiomate sermone compositas. n. 1129 die 12. Mart. 1639.

Ad petitionem recitandi Lytanas B. V. M. hispanico idiomate, S. C. resp.: *Nihil*. n. 1900 die 8. Junii 1658.

Potest Archiepiscopus prohibere ne in Cathedr. aliquid in vernacula lingua cantetur, quod non fuerit prius ab ipso seu Vicario gen. approbatum. n. 3370 ad 6 die 3. Sept. 1695; n. 3443 ad 3 die 31. Aug. 1697.

Non licere Ordinarium Missae et alios ss. rituum ordines in linguam vernaculam traducere et sic traductum ad usum fidelium Typis mandare, item approbationem ejusmodi operis non posse ab Episcopo concedi. Ex decr. S. R. C. a SS. Pio IX. approbato. 6. Junii 1857.

Vd.: *Instructio Clem. §. XXXI. n. 18. etc. Vetitum est Missale gallico idiomate imprimi*, vd.: *Missale* (idioma.) *Lytan. div.* (decr. S. C. Indicis.)

## LITERAE.

## 1) Commendatitiae.

Vd.: *Sacerdos simulans* (Constit. Bened. XIV. de die 2. Aug. 1757 prima.)

## 2) Testimoniales.

Archipresbyter concedere potest litteras testimoniales super frequentatione Ecclesiae, nec non super exercitio functionum pro Ordinandis. n. 2869 ad 7 die 26. Novb. 1678.

## LOTIO.

## 1) Manuum.

Vd.: Ablut. manuum Episcopi; *Gubern.* (praeem. decr. n. 2160); Lavabo.

## 2) Pedum in Coena Dom.

Vd.: *Mandatum*.

## S. LUCAS EV.

Festum s. Lucae occurrens cum festo ss. Reliquiarum, vd.: *Festum ss. Reliquiar.* (transl. decr.; n. 4044.)

## S. LUCIA.

## 1) Lectio nona.

In festo s. Luciae 13. Decbr. in Officio potest legi 9. l. ppr. de s. Judoco, de quo eo die in Dioecesi Bruggen. fit commemoratio. n. 4049 ad 6 die 23. Junii 1736. n. 4056 ad 6 die 16. Febr. 1737.

## 2) Octava.

Petiit civitas Syracus., ut celebrare valeret octavam s. Luciae, patronae minus principalis, etiam superveniente die 17. Decbr., saltem facta commem. de antiphonis majoribus. S. C. resp.: Servari rubricas Breviarii, ubi hoc expresse prohibetur. Die 11. Novb. 1643.

## 3) Vesperae.

Cf.: *Immacul. Concept. B. V. M.* (vesp., decr. n. 2428.)

## S. LUDOVICUS.

## 1) Lectiones.

Festum s. Ludovici indultum de praecepto in Gallia esse sub ritu dupl. minor. tantum editis decretis die 15. Mart. 1608 et 28. Novb. 1609; propterea non esse dubitandum, quia recitari debeant Lectiones, quae assig-

nantur de scriptura, approbatis ppr. 2. et 3. n. sub die 23. Febr. 1619. n. 3301 ad 10 die 10. Jan. 1693.

(De ejus Canonizatione vd.: *Bull. rom. tom. I. p. 175.*)

(De Canonizat. s. Ludovici, *Caroli Regis Siciliae filii, et Episcopi Tolosani* (19. Aug.) vd.: *Ibid.* p. 191.)

## 2) Oratio.

Corrigenda est Conclusio orationis in festo s. Ludovici regis et ejus loco dicendum est: *Qui tecum vivit et regnat etc.* n. 2656 ad 5 die 16. Sept. 1673.

## LUMEN CHRISTI.

## 1) Amotio.

Lumen Christi expleta Sabb. s. functione removendum est ab Ecclesia. n. 4986 ad 5 die 7. Decb. 1844.

*Ad dubium:* In Sabbato Sancto Arundo cum tribus candelis, vulgo dicta *Lumen Christi*, amoveri solet ab Altari statim post Prophetias, quum Archiepiscopus accedit ad Ecclesiam benedictionem Fontis Pontificali more facturus, quae consuetudo retineri posse praesumitur; quamvis enim generatim praedicta Arundo removeatur dumtaxat post Missam, id non videtur praeceptivum, quum Rubricae omnino sileant. S. C. resp.: „Servari poterit peculiaris consuetudo, sed consulendum Sanctissimo.“ n. 4672 ad 19 die 12. Novbr. 1831.

## 2) Diaconus defert.

Vd.: *Benedictio ignis* (Officiator; decr. n. 4672); *Triangulum*.

## LUMINA.

## 1) In cruce ad pariet. Ecclesiae posita.

Accendenda sunt lumina ante cruces positas in parietibus ea die, ad quam

transfertur celebratio Officii Dedicationis Ecclesiae. n. 2979 die 28. Febr. 1682.

## 2) Ad Evangel. cantand.

Cf.: *Candelab.*

Non deferantur lumina ad Evang. in missa defunct. *Caer. Ep. I. II. n. 6.* Ad Evangelium non portantur Lumina in sabbato sancto. *Caer. Ep. I. II. c. XXVII. n. 25.*

## 3) In Exequiis per triduum.

Placentina.

Ex parte Magistri caeremoniarum Cath. Ecclesiae Placentinae S. R. C. pro declaratione infrascripti Dubii demisse supplicatum fuit:

An in Feria VI. Parasceve, expleta hujus diei officitura, solemnes exequiae supra cadaver cujusdam Monialis expositum in Ecclesia interiori libere celebrari possint a Sacerdotibus in Ecclesia exteriori, ut moris est, decantantibus mortuale Officium cum intortitiis accensis?

Et S. eadem R. C. audita prius informatione Episcopi, ad relationem Emi. et Rmi. D. Card. Zondadari respondendum censuit: „Negative per totum triduum, et Officium et Preces recitentur privatim.“

Et ita declaravit. Die 11. Aug. 1736. n. 4050.

*Ad dubium:* Utrum in secundo triduo major. hebdom. in funere ducendo cerei sunt accendendi? S. C. resp.: Detur decretum in Placentina diei 11. Aug. 1736. n. 5219 ad 1 die 21. Julii 1855.

Haeres defuncti ad suum libitum accipere potest quantitatem cerae. S. C. Ep. 5. Maji 1617.

## 4) In expos. SS. Sacramenti.

Vd.: *Expos. SS. Sacram.*

## 5) Magna duo in plano Presbyterii.

Vd.: *Instr. Clem.* §. VI. n. 1. 3. 4. 9; §. XX. n. 4.

## 6) In Missa.

Vd.: Missa cor. Laicis; *Missa priv. Episcopi*, Dignitarii; *Reliquiae*; *Candela*; *Ordinatio*; *Missa sine luminibus*, vd.: *Candela* (materia, decr. n. 5150.)

## 7) Ex Oleo.

Vd.: *Facula* (decr. n. 3597); *Lampas*; *Candela* (materia; decr. n. 5150); *Instr. Clem.* §. VI. n. 2. 11.

## 8) Coram Oleis sanctis.

Vd.: *Olea s.* (asservatio, decr. n. 4623 nota.)

## LYTANIAE.

## 1) Approbatio.

Vd.: *Instructio Clem.* §. XXIV. n. 20 etc. *Lytan. B. V. M.* (add. illic. decr. n. 4570.) *Lytan. diversae.*

## 2) S. Annae.

Ad petitionem PP. Carmelitarum de Francavilla, ut recitare valeant: S. Mater Anna, ora etc.; S. Mater Mariae; S. Anna, Avia Christi, Sponsa Joachim, Socrus S. Joseph, Refugium peccatorum, Auxilium Christ., Consolatrix Affl., Auxilium omnium ad Te clamantium, Laetitia Angel., Gloria SSrum., S. Maria, Filia s. Matris Annae etc.: S. C. resp.: Non licere recitare suprascriptas Lytanas. n. 3043 die 5. Febr. 1684.

## 3) B. V. Mariae.

## a) Additio illicita.

Vd.: *Rosarium* (recitatio.)

Nihil addendum in Lytaniis B. V. M. sed omnino recitari debere prout jacent impressae pro domo Lauretana. n. 932 die 2. Aug. 1631.

Non licere Franciscanis Tolosae no-

vum Rosarium sub titulo Seraphici aut novem novendarum aut alterius rationis inducere, praedicare et docere nec in Lytaniis B. V. M. aliquid innovare. n. 2270 die 15. Mart. 1664; n. 2301 die 22. Novb. 1664.

## Decretum generale.

*Ad dubium*: An liceat titulo specialis devotionis Litanis Sanctorum vel Lauretanis aliquem versiculum addere, vel novas Litanias, de quarum adprobatione Ordinario nullatenus constat, in Ecclesiis canere vel recitare?

Et S. eadem R. C. . . . respondendum censuit, ut infra, videlicet:

„Negative, et serventur omnino Decreta S. C., curentque Ordinarii colligere et vetare formulas quascumque tam impressas, quam manuscriptas Lytaniarum, de quarum adprobatione non constat.

Et facta de praemissis omnibus SSmo. D. N. Pio VII. P. M. relatione S. S. S. C. Responsa adprobavit confirmavitque, atque, ut cunctis pateant, Decretum Generale desuper expediri typisque evulgari mandavit.“ n. 4578 ad 8 die 3. Apr. 1821.

## NOTA GARDELL. AD HOC DECRETUM.

Hac super re legi possunt Decreta in nostra Collectione relata. Non enim licet intuitu specialis devotionis alicujus Sancti nomen Lytaniis addere, nisi doceatur de Apostolico indulto. Vide etiam adnotationem ad §. 24. Clementinae Instructionis num. 19.

*Ad dubium*: an in Lytaniis Laurent. B. V. M. post: *Regina SS. Omnium* addi possit alius versus: *Maria advocata nostra*, vel alius? S. C. resp.: Negative. n. 4857 ad 3 die 3. Aug. 1839.

Vd.: *Instructio Clem.* §. XXIV. n. 19 etc.

## b) Additio licita.

Vd.: *Rosarium* (ritus; decr. n. 2741.)

*Urbis et Status Ecclesiastici.*

Cum SS. D. N. Pius VII. P. M. validissimum B. M. V. auxilium expertus fuerit in multis tribulationibus, aerumnis, angustiis, quas in diutina quinque et ultra annorum captivitate passus est, Ejus intercessioni tribuens felicem suum reditum in Urbem Sanctam, a qua fuerat nefarie avulsus; accito Rmo. Card. Julio Maria de Somalia Episcopo Tusculano, suo in Urbe Vicario Generali, et S. R. C. Praefecto, mentem suam esse significavit, ut ad grati animi reddendum perenne testimonium gloriosissimae Virgini, quae insperato Sibi et populo fidei in auxilium venit, peculiare Festum in ejusdem honorem instituat peragendum die 24. Maji in aevum memoranda, felici Ipsius ad Petri Sedem signata regressu; et aemulatus Decessorem Suum S. Pium hujus nominis V., qui ob insignem Victoriam anno MDLXXI. a Christiana Classe contra Turcas ad Echinadas insulas Dei Genitricis ope relatam, Lytaniis Lauretanis alterum elogium inseri iussit: *Auxilium Christianorum*, ita et ipse hoc titulo decorare novum hoc Festum constituit cum Officio et Missa ab eodem Rmo. Card. Praefecto, a R. P. Andrea Cavalli Promotore Fidei, et ab infrascripto S. R. C. Assessore revisis, cum in Urbe tum in toto Ecclesiastico Statu recitanda et respective celebranda sub ritu dupl. maj. ab omnibus tam Saecularibus quam Regularibus, qui ad Horas canonicas tenentur.

Et hoc Decretum in Acta C. S. R. reponi ac publici juris fieri mandavit die 16. Sept. 1815. n. 4514.

Piis precibus Regis Hispaniar. Clem. PP. XIII. porrectis, quibus supplicabat, ut facultas fieret in suis Regnis et Dominiis, in quibus B. V. M. sub

immac. Conceptionis mysterio uti Patrona principalis peculiari devotione colitur, addendi in Lytaniis B. V. M. Lauretanis post V. *Mater intemperata*, alterum: *Mater immaculata* Sanctitas Sua benigne annuit: Pro gratia, dummodo tamen non addatur in iisdem tam privatim quam publice aliud, nisi speciali obtenta facultate a S. Sede, quibuscunque in contrarium disponentibus minime obstantibus ac praesertim decreto Clem. VIII. (6. Sept. 1601), quibus in hoc casu S. S. pro hac vice derogatum fuit. n. 4339 die 12. Sept. (Decb.) 1766.

*Ad dubium*: An possint Sanctimonialia Ord. s. Clarae addere Lytaniis Lauretanis aliud Deiparae Encomium *Regina sine labe originali Concepta*? Emi. et Rmi. P. S. tuendis Ritibus praepositi rescribendum censuerunt:

„Absque Apostolico Indulto non licere.“

Atque ita rescribere. n. 5148 ad 8 die 7. Sept. 1850.

## c) Oratio.

Non licet Lytaniis B. V. M. Orationes non approbatas ab hac S. C. adjungi. n. 1361 die 7. Decb. 1641.

## 4) Diversae.

Vd.: *Lytaniae B. V. M.* (additio illicita; decr. n. 4578.)

Ad petitionem cantandi Lytanas de SS. Sacramento resp. S. R. C.: Non consuevit S. R. C. *approbare* alias Lytanas praeter consuetas impressas in Breviario et eas, quae recitantur de B. M. V. in Ecclesia Lauretana juxta decretum fel. rec. Clement. P. VIII. n. 374 ad 16 die 15. Mart. 1608.

## Clemens PP. VIII.

Quoniam multi hoc tempore privati